

學 生 國 學 叢 書

傳 東 華 選 註

天 雅 述

商 務 印 書



從軍行①

吹角動行人，喧喧行人起，笳悲馬嘶亂，爭渡金河②水。日暮沙漠③陲，戰聲烟塵裏。盡係名王頸，④歸來獻天子。

①從軍行樂府名，為軍旅辛苦之辭。

②金河在今山西歸化城南。

③陲，邊也。

④漢書賈

誼傳：「行臣之計，請必繫單于之頸而制其命。」又宣帝紀：「匈奴單于遣名王奉獻。」註：

「名王者，謂有大名以別於諸小王也。」

隴西行①

十里一走馬，五里一揚鞭，都護②軍書至，匈奴圍酒泉。③關山正飛雪，烽戍斷無烟。

①樂府名。隴西郡，秦置，舊甘肅蘭州鞏昌，秦州諸府州之地。

②都護，統轄邊遠之官。漢置西

城都護，唐置六大都護府。○酒泉漢郡，故城在今甘肅酒泉縣東北。漢書武帝紀：「征和三

年，匈奴入五原、酒泉，殺西都尉。」

### 早春行

紫梅發初遍，黃鳥○歌猶澀。誰家折楊女，弄春如不及？愛水看妝坐，羞人映花立。香畏風吹散，衣愁露濕。玉闈青門○裏，日落香車入。游衍○益相思，含啼向綵帷。憶君長入夢，歸晚更生疑，不及紅簷鷺，雙栖綠草時。

○黃鳥<sup>△</sup>，黃鸝也。○長安城東出南頭第一門曰霸城門，民見門色青，名曰青城門，或曰青門<sup>△</sup>。

（見三輔黃圖。）○游衍<sup>△</sup>，游衍<sup>△</sup>，詩大雅：「昊天曰旦，及爾游衍。」

### 和使君五郎西樓望遠思歸

高樓望所思，目極○情未畢。枕上見千里，牕中窺萬室。悠悠長路人，曖曖○

遠郊日惆悵極浦<sup>③</sup>外，迢遞<sup>④</sup>孤烟出。能賦屬上才<sup>⑤</sup>，思歸同下秩<sup>⑥</sup>。故鄉不可見，雲外空如一。

①楚辭招魂：「目極千里兮傷春心！」

②曖曖，闇昧貌。

③楚辭九歌：「臨落陽兮極浦。」

極遠浦，水涯也。

④迢遞，高遠貌。

⑤上才，謂使君。

⑥下秩，自謂。

### 訓黎居士浙川<sup>①</sup>作<sup>②</sup>

儂<sup>③</sup>家真箇去，公定隨儂否？着處是蓮花，無心變楊柳。松龕藏藥裹，石唇安茶臼，氣味當共知，那能不攜手？

①浙川<sup>△</sup>，今河南浙川縣。

②原註：曇壁上人院走筆成。

③吳人稱我曰儂<sup>△</sup>。

### 奉寄韋太守陟<sup>①</sup>

荒城自蕭索，萬里山河空。天高秋日迥，嘹唳<sup>②</sup>聞歸鴻。寒塘映衰草，高館落

疎桐。臨此歲方晏，顧景詠悲翁。○故人不可見，寂寞平林<sup>四</sup>東。

○按舊唐書韋陟本傳：陟嘗歷任襄陽、鍾離、河東、吳郡、絳州等郡太守，作者寄此詩時，不知爲何郡太守。○噉<sup>△△</sup>喉雁聲。○悲翁<sup>△△</sup>樂府名。宋書：漢鼓吹饒歌十八曲，二曰思悲翁。○平林<sup>△△</sup>

謂林木之在平地者。

春夜竹亭贈錢少府○歸藍田○

夜靜羣動息，○時聞隔林犬。○卻憶山中時，人家澗西遠。羨君明發<sup>四</sup>去，采蕨

輕軒冕<sup>五</sup>。

○錢<sup>△△</sup>少府錢起也。起，吳興人，天寶中進士。少府縣尉之稱。○藍田<sup>△△</sup>今陝西藍田縣。○陶潛

詩：「日入羣動息。」○明發<sup>△△</sup>天曉也。○軒<sup>△△</sup>大夫車冕大夫以上冠也。

贈張五弟諲三首

吾弟東山①時，心尙一何遠！日高猶自臥，鍾動始能飯。領上髮未梳，牀頭書不卷。清川與悠悠，空林對偃蹇。②青苔石上淨，細草松下軟。窗外鳥聲閑，階前虎心善。徒然萬像③多，澹爾太虛緬④。一知與物平，自願爲人淺。對君忽自得，浮念不煩遣。

張弟五車書⑤，讀書仍隱居。染翰過草聖⑥，賦詩輕子虛⑦。閉門二室⑧下，隱居十年餘。宛是野人也，時從漁父魚。秋風日蕭索，五柳⑨高且疎。望此去人世，渡水向吾廬。歲宴同攜手，只應君與予。

設置守鬻兔⑩，垂釣伺游鱗。此是安口腹，非關慕隱淪⑪。吾生好清靜，蔬食去情塵。今子方豪蕩，思爲鼎食⑫人。我家南山下，動息自遺身。入鳥不相亂，見獸皆相親。⑬雲霞成伴侶，虛白⑭侍衣巾。何事須夫子，邀予谷口真⑮。

①東山，在今浙江上虞縣西南四十五里，晉謝安高臥之處。②偃蹇，傲慢也。③萬像，謂萬

有現象。④緬，遠也。⑤莊子：「惠施多方，其書五車。」言書多也。⑥翰，筆也。謝惠連詩：明

來當染翰<sup>△</sup>。後漢張芝有草聖之稱。⑦漢司馬相如作子虛賦。

之二支也。⑧晉陶潛嘗作五柳先生傳以自況，曰：「先生不知何許人，亦不詳其姓字，宅邊

有五柳樹，因以為號焉。」⑨置網也；兔免也。鮑照詩：「伐木清江濱，設置守兔免。」

⑩隱淪隱逸也。⑪鼎食，貴人之食也。家語：「累茵而坐，列鼎而食。」⑫莊子：「入獸不亂羣，

入鳥不亂行，鳥獸不惡，而况人乎？」⑬虛白，日光也。莊子：「虛室生白。」註：「白者，日光所

照也。」⑭高士傳：「鄭樸，字子真，谷口人也。脩道靜默，世服其清……名振京師，號谷口鄭

子真。」

### 至滑州 隔河望黎陽 憶丁三寓

隔河見桑柘，藹藹黎陽川。望望行漸遠，孤峯沒雲烟。故人不可見，河水復悠悠。

然。賴有政聲遠，時聞行路傳。

①滑州<sup>△</sup>，今河南滑縣。②唐黎陽縣，故城在今河南濬縣東北。

秋夜獨坐懷內弟崔興宗

夜靜羣動息，蟋蟀聲悠悠。庭槐北風響，日夕方高秋。思子整羽翰，及時當雲浮。吾生將白首，歲晏思滄洲。高足在旦暮，肯爲南畝儔。

○蟋<sup>△△</sup>蟀寒蟬也。

○滄洲<sup>△△</sup>謂滄海洲渚也。

○高足<sup>△△</sup>猶言高蹈也。

贈裴十迪

風景日夕佳，與君賦新詩。澹然望遠空，如意方支頤。春風動百草，蘭蕙生我籬。曖曖日暖閨，田家來致詞。欣欣春還臯，淡淡水生陂。桃李雖未開，萋萋滿芳枝。請君理還策，敢告將農時。

○裴迪初與王維崔興宗俱居終南山，天寶後爲蜀州刺史，與杜甫交善。（見唐詩紀事。）

○陶潛詩：「山氣日夕佳。」

○如意<sup>△△</sup>古之爪杖也；或骨、角、竹、木，刻作手指爪，柄可長三尺許。



或脊有癢，手所不到，用以搔爪，如人之意。

④皋水邊淤地也。

⑤還策還杖也。南史褚伯玉

傳：「望其還策之日，暫紆清塵。」

### 藍田山石門精舍

落日山水好，漾舟信①歸風。玩奇不覺遠，因以緣源②窮。遙愛雲木秀，初疑路不同。安知清流轉，偶與前山通。捨舟理輕策，③果然愜所適。老僧四五人，逍遙蔭松柏。朝梵④林未曙，夜禪山更寂。道心及牧童，世事問樵客。暝宿長林下，焚香臥瑤席。澗芳襲人衣，山月映石壁。再尋畏迷誤，明發更登歷。笑謝桃源⑤人，花紅復來觀。

①藍田山在今陝西藍田縣東。

②漾舟泛舟也；信任也。

③緣源尋源也。

④策杖也。

⑤

朝梵謂朝起作梵也。

⑥晉陶潛有桃花源記，言晉太原中，武陵漁人入桃花林，得一山，山有

小口，勢巖若有光，便捨舟而入，豁然開朗，土地曠空，屋舍儼然，男女衣著，悉如外人，自言秦時

避難來此。既出遂迷其處。

### 青溪

言入黃花川，○每逐青溪水。隨山將萬轉，趣途無百里。聲喧亂石中，色靜深松裏。漾漾汎菱荇，○澄澄映葭葦。○我心素已閑，清川澹如此。請留盤石④上，垂釣將已矣。

○黃花川在今陝西鳳縣，唐時黃花縣以此得名。  
○荇，水草也。

○葭葦，蘆葦也，生水中。

④盤石，大石也。

### 崔僕陽兄季重前山興

秋色有佳興，況君池上閑。悠悠西林下，自識門前山。千里橫黛色，數峯出雲間。嗟峨對秦國，合沓○藏荆關。殘雨斜日照，夕嵐④飛鳥還。故人今向爾，嘆息此

頽顏<sup>⑤</sup>

①崔<sup>△△△</sup>季重，漢陽太守也。蘇源明小洞庭五太守讖藉序有「漢陽太守清河崔公季重。」漢陽唐郡，在今山東濮縣南。②原註：山西去亦對維門。③合<sup>△△</sup>沓高貌。謝朓詩：「茲山高百里，合沓與雲齊。」④嵐<sup>△</sup>山氣也，音羅含切（ㄌㄤˊ）。

⑤頽<sup>△△</sup>顏猶言衰顏也。

石處士山居

君子盈天階，①小人甘自免。方隨鍊金客，②林上家絕巘。背嶺花未開，入雲樹深淺。清晝猶自眠，山鳥時一轉。

①天階<sup>△△</sup>喻左右省閣。

②鍊金客<sup>△△△</sup>謂道士。

丁寓田家有贈

君心尚棲隱，久欲傍歸路。①在朝每爲言，解印果成趣。②晨雞鳴鄰里，羣動

從所務。農夫行餉田，閨婦起縫素。開軒御衣服，散帙理章句。時吟招隱詩，或製閑居賦。⑤新晴望郊郭，日映桑榆。⑥暮陰盡小苑城，⑦微明渭川樹。⑧揆予宅閭井，幽賞何由屢。道存終不忘，迹異難相遇。此時惜離別，再來芳菲度。

①傍近也。謝靈運詩：「從來漸二紀，始得傍歸路。」②陶潛歸去來辭：「田日涉以成趣。」

③散帙，謂開書帙也。謝靈運詩：「散帙問所知。」④晉左思有招隱詩。⑤晉潘岳作閒

居賦。⑥初學記：「日西垂景在樹端，謂之桑榆，言其光在桑榆樹上。」⑦小苑城，即長安城

外曲江之芙蓉園。⑧渭川，即渭水，流過長安城北。⑨揆，度也。屈原離騷：「皇覽揆予於初

度兮。」

### 渭川田家

斜光照墟落，窮巷牛羊歸。野老念牧童，倚杖候荆扉。雉鳴麥苗秀，蠶眠桑葉稀。田夫荷鋤至，相見語依依。即此羨閑逸，悵然吟式微。

○見前詩註八。

○墟<sup>△</sup>落謂村墟籬落。范雲詩：「軒蓋照墟落。」

○雉<sup>△</sup>音購（《又》）雉鳴

也。潘岳射雉賦：

「麥漸漸兮擢芒，雉鷺鷺而朝雉。」

○詩衛風式微篇：「式微，式微，胡不歸？」

### 春中○田園作

屋上春鳩鳴，村邊杏花白。持斧伐遠楊，○荷鋤覘泉脈，歸燕識故巢，舊人看新曆。臨觴忽不御，惆悵遠行客。

○春中<sup>△</sup>仲春也。

○詩豳風條桑篇：「取彼斧斨，以伐遠揚，傳：「遠枝遠也；揚，條楊也。」

### 過李揖宅

閑門秋草色，終日無車馬。客來深巷中，犬吠寒林下。散髮時未簪，道書行尚把。與我同心人，樂道安貧者。○一罷宜城酌，○還歸洛陽社。○

○後漢書韋彪傳：「安貧樂道，恬於進趣。」

○太平寰宇記：「襄州宜城縣出美酒，俗號宜

城美酒爲竹葉杯。按今宣城縣，屬湖北襄陽道。  
行，逍遙吟詠，常宿白社中。

晉董京與隴西計吏俱至洛陽，被髮而

### 飯覆釜山僧

晚知清淨理，日與人羣疎。將候遠山僧，先期掃弊廬。果從雲峯裏，願我蓬蒿居。藉草飯松屑，焚香看道書。燃燈晝欲盡，鳴磬夜方初。已悟寂爲樂，此生閑有餘。思歸何必深，身世猶空虛。

覆釜山，不止一處，此疑在長安。

### 送綦母校書

棄官還江東

明時久不達，棄置與君同。天命無怨色，人生有素風。念君拂衣去，四海將安窮？秋天萬里淨，日暮澄江空。清夜何悠悠，扣舷明月中。和光漁鳥際，澹爾兼

葭叢無庸客昭世，<sup>④</sup>衰鬢白如蓬。頑疎暗人事，僻陋遠天聰。<sup>⑤</sup>微物縱可採，其誰為至公？余亦從此去，歸耕為老農。

① 葭母復姓校書官名。

② 舳船邊也；扣舳為聲以節歌。

③ 和光不特著其光也。老子：「和

其光同其塵。」

④ 昭世猶言明時。鮑照詩：「浮生旅昭世。」

⑤ 天聰謂天子之聽。曹植求

通親親表：「冀陛下儻發天聰而垂神聽也。」

### 送六舅歸陸渾

伯舅吏淮泗，卓魯<sup>①</sup>方喟然。悠哉自不競，退耕東臯田。條桑<sup>②</sup>臘月下，種杏春風前。酌醴賦歸去，共知陶令<sup>④</sup>賢。

① 陸渾唐縣，故城在今河南嵩縣東北。

② 卓魯謂卓茂遷魯恭，後漢之二良吏也。卓茂遷為

密令，視人如子，舉善而教，口無惡言。魯恭為中牟令，專以德化為理，不任刑罰。

③ 條桑出詩

《豳風條桑》中「蠶月條桑」句，本義斬條於地，就地采葉也。此借用為臘月事，則謂落其繁

枝枯莖而已。④晉陶潛爲彭澤令，郡遣督郵至縣，吏白應束帶見之，潛歎曰：「我不能爲五斗米折腰向鄉里小人。」即日解印綬去職，賦「歸去來辭。」

### 送別

下馬飲君酒，問君何所之。君言不得意，歸臥南山<sup>○</sup>陲。但去莫復問，白雲無盡時。

①南山<sup>△△</sup>謂終南山。

### 齊州<sup>○</sup>送祖三

相逢方一笑，相送還成泣。祖帳<sup>○</sup>已傷離，荒城復愁入。天寒遠山淨，日暮長河急。解纜君已遙，望君猶佇立。<sup>○</sup>

①齊州<sup>△△</sup>今山東歷城縣。

②祖帳<sup>△△</sup>即祖席所設之帳。

③佇立<sup>△△</sup>久立也。



送別

聖代無隱者，英靈盡來歸。遂令東山客，不得顧採薇。既至金門遠，孰云吾道非？  
①江淮渡寒食，京洛縫春衣。置酒長安道，同心與我違。行當浮桂棹，②未幾拂荆扉。遠樹帶行客，孤城當落暉。吾謀適不用，③勿謂知音稀。

①史記孔子世家：「吾道非耶？吾何爲至此？」

②楚辭：「桂棹兮蘭枻。」註：「棹，楫也。」

③左

傳：「子無謂秦無人，吾謀適不用也。」

觀別者

青青楊柳陌，陌上別離人。愛子遊燕趙，高堂有老親。不行無可養，行去百憂新。切切委兄弟，依依向四鄰。都門悵飲畢，從此謝親賓。揮淚逐前侶，含悽動征輪。車徒望不見，時見起行塵。余亦辭家久，看之淚滿巾。